

Lydia Mutsch lors de l'inauguration du nouveau Centre Dr. M-P. Molitor-Peffer, siège du Planning familial

Inauguration / Célébration / Cérémonie – Publié le 05.06.2014 (16:23)



Als Gesondheitsministesch ass et fir mech eng grouss Freed haut mat lech beim Ulass vun der Inauguration vum de neie Lokalitéite vum Planning Familial Dr. M.-P. Molitor-Peffer kënnen ze feieren.

Dës Geleeënheet notzen ech fir lech Merci ze soe fir Äert Engagement an Är vill Aarbecht am Beräich vun der sexueller Gesondheet hei zu Lëtzebuerg, zënter der Grënnung vum Planning am Joer 1985.

Dir hutt vill Défiën opgeholl, vill Hürde gemeeschtert, vill Aufgaben op lech geholl fir d'sexuell an d'reproduktiv Gesondheet fir Mann a Fra ze förderen an ze verteidegen, an hutt lech zënter Ärer Grënnung ganz besonnesch fir d'Rechter vun de Fraen an dësem Kontext agesat.

Dir hutt den Zougang fir all zur sexueller Gesondheet verbessert, besonnesch eben och fir Persounen déi an sozio-ökonomescher oder psychologescher Nout sinn.

Dir waart vun Ufank un e wichtege Partner, Beroder an Expert an alle Froen déi sech de Gesondheitsministère am Beräich vun der sexueller a reproduktiver Gesondheet hei zu Lëtzebuerg gestallt huet a stellt.

Iwwert Joeren ass de Planning zu enger fester Institutioun hei zu Lëtzebuerg gewuess an et kann ee sech déi sexuell Gesondheet oni de Planning net virstellen.

Hiren Aufgabeberäich huet sech geographesch iwwert Land verdeelt mat enger Antenn zu Esch an zu Ettelbréck.

Den Aufgabeberäich huet sech iwwert Joeren differenziert mat enger grousser Unzuel vu Servicer fir d'Populatioun.

1) Är villsäiteg psychologesch Hëllef an alle Problemer déi d'Sexualitéit betreffen oder wou och dat sexuell Liewe mat betraff ass: Trennungen, Problemer vu Stéerilitéit, vun onerfëlltem Kannerwënsch, sexuell Identitéit, déi schwierig Situatiounen vu Gewalt a Sexualitéit, déi leider och zu Lëtzebuerg zum trauregen Alldag gehéiert, fir nëmmen déi ze nennen.

2) Medezinesch Konsultatiounen mat Aktivitéite fir Dépistage vu sexuellen Krankheeten, Berodung an Ënnerstëtzung vun efficerer a sécherer Verhütung an zënter enger Rei vu Joeren elo am Beräich vun der medikamentöser Ofdreiwung, déi mir hoffen, ville Fraen deen oft beschwéierlechen a geféierleche Wee an d'Ausland fir Avortementen erspuert.

An dësem Beräich waarden, mat der Ëmsetzung vum neien IVG's Gesetz, och nei Aufgaben op eis: Inhalt a Qualitéit vun de medezineschen a psychologeschen Servicer fir d'Populatioun, ma och, an do mussen mer eis all ustrengen, fir d'Erbréngen vu besseren Donnéeën déi eis et erméiglechen e richtegen Etat des lieux iwwert d'sexuell Gesondheet hei zu Lëtzebuerg ze maan.

Zur sexueller Gesondheet dréit de Projet: Prise en charge de la Contraception fir Fraen ënnert 25 Joer ee wichtege Beitrag, deen am 2. Joer vun sengem Bestoen engem immens groussen % vun dëser Populatioun ze Gutts kënnt.

3) E ganz wichtege(n) Aspekt vun der sexueller Gesondheet ass d'Präventioun, d'Gesondheetsförderung an déi sexuell Opklärung, d'Informatioun, d'Education sexuelle an d' Formatioun vu Multiplicateur(en).

Den 17.7.2013 ass den interministerielle(n) nationale Programm fir d'Förderung vun der Santé affective et sexuelle tëschen de Ministère(n) vun der Gesondheet, der Educatioun, Kandheet a Jugend an der Egalité des Chances an enger Kollaboratioun mat den Associatioun(en) vum Terrain, notament dem Planning lancéiert ginn.

Eng vun den Haaptachsen ass an dësem Kontext notament: d'Förderung vun der sexueller Gesondheet bei eise Kanner a Jugendlechen, an de Schoulen, de Maisons Relais, de Jugendhaiser.

Dir sidd Expert an dësem Beräich, an am neie Programm sinn nei Aufgabe virgesinn, esou:

- d'Formatioun vu Multiplicateur(en) fir op nationalem Niveau d'Education sexuelle kënnen flächendeckend ze assureieren
- d'Créatioun vun engem Referenzzenter fir sexuell a reproductiv Gesondheet.

Vill gemeinsam Aufgabe waarden also op eis, an eis Kollaboratioun wäert ouni Zweifel an der Zukunft wuessen, vu que dat vun 2015 un de Planning mat dem Gesondheitsministère wäert konventionéiert sinn.

Déi nei Lokalitéiten, ech sinn iwwerzeegt, wäerte gutt gefällt gi mat de neien Défien.

Ech wënsche vill Succès an eng erfollegräich Kollaboratioun.

DATE DE L'ÉVÉNEMENT : 03.06.2014

LIEU(x) :

▶ Luxembourg

MINISTRE(S) :

▶ MUTSCH Lydia – Ministre de la Santé

ORGANISATION(S) :

▶ Ministère de la Santé

THÈME(S) :

▶ Éducation / Formation

▶ Famille

▶ Santé

▶ Jeunesse

TYPE(S) D'ÉVÉNEMENT :

▶ Inauguration / Célébration / Cérémonie

Galleries



Lydia Mutsch et Corinne Cahen à l'inauguration du nouveau Centre Dr. M-P. Molitor-Peffer, siège du Planning familial

Plus ...

ACTUALITÉS

▶ Lydia Mutsch et Corinne Cahen à l'inauguration du nouveau Centre Dr. M-P. Molitor-Peffer, siège du Planning familial